



REPUBLIKA E SHQIPËRISË
MINISTRIA E ARSIMIT
DHE SPORTIT

QENDRA E SHËRBIMEVE ARSIMORE

QENDRA NDËRINSTITUCIONALE E
RRJETIT AKADEMIK SHQIPTAR

Nr. 3131 Prot. Tiranë, më 30.06.2022

Nr. 283 Prot. Tiranë, më 30.06.2022

URDHËR I PËRBASHKËT

Nr. 8, Datë 30/06/2022

**PËR MIRATIMIN E KALENDARIT PËR PROCEDURAT E APLIKIMIT DHE TË
REGJISTRIMIT NË INSTITUCIONET E ARSIMIT TË LARTË, PËR VITIN AKADEMIK
2022 – 2023**

Në mbështetje të ligjit nr. 80/2015, datë 22.07.2015, “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, të vendimit nr. 436, datë 03.06.2020, të Këshillit të Ministrave “Për përcaktimin e kriterit të notës mesatare për pranimin e kandidatëve në programet e studimeve të ciklit të parë dhe në programet e integruara të studimeve të ciklit të dytë, ose transferimin e studimeve në vitet e ndërmjetme të këtyre programeve, në institucionet e arsimit të lartë, për vitin akademik 2020-2021 dhe 2021-2022 e në vijim”, i ndryshuar dhe të udhëzimit nr.10, datë 15.05.2019, “Për procedurat e aplikimit dhe të regjistrimit në institucionet e arsimit të lartë”, i ndryshuar,

URDHËROJ

1. Miratimin e kalendarit “Për procedurat e aplikimit dhe të regjistrimit në institucionet e arsimit të lartë për vitin akademik 2022 – 2023”, sipas shtojcës nr.1 dhe anekseve nr. 1 dhe nr. 2 bashkëlidhur këtij urdhri dhe që janë pjesë përbërëse e tij.
2. Ngarkohen për zbatimin e këtij urdhri Qendra e Shërbimeve Arsimore, Qendra Ndërinstitucionale e Rrjetit Akademik Shqiptar, Drejtoritë Rajonale dhe Zyrat Vendore të Arsimit Parauniversitar dhe institucionet e arsimit të lartë.

Ky urdhër hyn në fuqi menjëherë.

Për Qendrën e Shërbimeve Arsimore

Drejtor i Përgjithshëm

Znj. Aurora BALLIU



**Për Qendrën Ndërinstitucionale
të Rrjetit Akademik Shqiptar**

Drejtor i Përgjithshëm

Z. Arjan XHELAJ



Kreu III**Procedurat e regjistrimit, çregjistrimit dhe ankimimit****A. Procesi i regjistrimit. Raundi i parë**

A. Procesi i regjistrimit Raundi i parë, pika 1	Në datat 2 deri 15 shtator 2022 (7 faza 48-orëshe; 02-03; 04-05; 06-07; 08-09; 10-11, 12-13 dhe 14-15), të gjithë aplikantët, të cilët kanë kryer procesin e aplikimit në raundin e parë dhe janë shpallur fitues, mund të kryejnë procesin e regjistrimit, duke paraqitur dokumentacionin përkatës, në sekretaritë mësimore të IAL-ve, në programin e studimit ku dëshirojnë të vazhdojnë studimet.
A. Procesi i regjistrimit Raundi i parë, pika 7	Në rast se, pas çdo faze, konstatohen kuota të paplotësuara, zhvendoset vija e kuqe dhe shpallen fitues të rinj të asaj faze. Këta fitues të rinj mund të regjistrohen vetëm në fazën pasardhëse. Këto faza vijojnë deri në plotësimin e kuotave dhe përfundojnë në datën 15 shtator 2022 .
A. Procesi i regjistrimit Raundi i parë, pika 8	Brenda datës 15 shtator 2022 , RASH përcjell në QSHA regjistrimet përfundimtare të raundit të parë bashkë me kuotat e paplotësuara, në format elektronik dhe në hard-copy.

B. Procesi i çregjistrimit. Raundi i parë

B. Procesi i çregjistrimit Raundi i parë, pika 1	Aplikanti, pasi ka bërë regjistrimin duke paraqitur dokumentacionin përkatës dhe ka nënshkruar në regjistër, ka të drejtë të çregjistrohet në datat 16 - 17 shtator 2022 .
B. Procesi i çregjistrimit Raundi i parë, pika 2	Sekretaritë mësimore, pas çregjistrimit të aplikantëve dhe dorëzimit të dokumentacionit, i përcjellin në portalin U-Albania, në format elektronik brenda datës 18 shtator 2022 , listat e aplikantëve të çregjistruar.

C. Procesi i ankimimit. Raundi i parë

C. Procesi i ankimimit Raundi i parë, pika 1	Aplikantët kanë të drejtën e ankimimit në IAL përkatëse në datën 1 shtator 2022 .
--	--

C. Procesi i ankimimit Raundi i parë, pika 2	IAL, pas përfundimit të afatit të ankimimit dhe shqyrtimit të ankesave, pasqyrojnë në format elektronik, në portalin U-Albania, më datë 2 shtator 2022 , vendimet lidhur me ankimimet e aplikantëve.
C. Procesi i ankimimit Raundi i parë, pika 3	Aplikantët, pavarësisht paraqitjes së ankesës, nëse janë shpallur fitues në një ose disa programe të tjera studimi, mund të vijojnë procedurat e regjistrimit. Nëse ankesa e tyre është pranuar, ata duhet të çregjistrohen nga programi i studimit (nëse janë regjistruar) dhe të regjistrohen në programin e studimit, në të cilin është pranuar ankimimi, në datat 16 - 17 shtator 2022 .
D. Procesi i regjistrimit. Raundi i dytë	
D. Procesi i regjistrimit Raundi i dytë, pika 1	Në datat 03 tetor deri 12 tetor 2022 (5 faza 48-orëshe; 03-04; 05-06; 07-08, 09-10 dhe 11-12), të gjithë aplikantët që kanë kryer procesin e aplikimit në raundin e dytë dhe janë shpallur fitues, mund të kryejnë procesin e regjistrimit pranë IAL, duke paraqitur dokumentacionin përkatës në sekretariatë mësimore, në programin e studimit ku dëshirojnë të vazhdojnë studimet.
D. Procesi i regjistrimit Raundi i dytë, pika 7	Brenda datës 16 tetor 2022 , RASH përcjell në QSHA, në format elektronik dhe në hard-copy, regjistrimet përfundimtare të raundit të dytë.
E. Procesi i çregjistrimit. Raundi i dytë	
E. Procesi i çregjistrimit Raundi i dytë, pika 1	Aplikanti, pasi ka bërë regjistrimin, duke paraqitur dokumentacionin përkatës dhe ka nënshkruar në regjistër, ka të drejtë të çregjistrohet vetëm në datat 13 - 14 tetor 2022 .
E. Procesi i çregjistrimit Raundi i dytë, pika 2	Sekretariatë mësimore, pas çregjistrimit të aplikantëve dhe dorëzimit të dokumentacionit, i dërgojnë RASH-it, brenda datës 14 tetor 2022 , listën e aplikantëve të çregjistruar.
F. Procesi i ankimimit. Raundi i dytë	
F. Procesi i ankimimit Raundi i dytë, pika 1	Aplikantët kanë të drejtën e ankimimit, përsa i përket raundit të dytë në IAL-në përkatëse, në datën 01 tetor 2022 .
F. Procesi i ankimimit Raundi i dytë, pika 2	IAL, pas përfundimit të afatit të ankimimit dhe shqyrtimit të ankesave, përcjellin zyrtarisht në RASH, më datë 02 tetor 2022 , vendimet lidhur me ankimimet e aplikantëve, si dhe i pasqyrojnë këto vendime, në format elektronik, brenda po këtyre datave, në portalin U-Albania.
F. Procesi i ankimimit Raundi i dytë, pika 3	Aplikantët, pavarësisht paraqitjes së ankesës, nëse janë shpallur fitues në një ose disa programe të tjera studimi, mund të vijojnë procedurat e regjistrimit. Nëse ankesa e tyre është pranuar, ata duhet të çregjistrohen nga programi i studimit (nëse janë regjistruar) dhe të

	regjistrohen në programin e studimit, në të cilin është pranuar ankimimi, vetëm në datat 13 - 14 tetor 2022 .
G. Procesi i regjistrimit. Raundi i tretë	
G. Procesi i regjistrimit Raundi i tretë, pika 1	Në datat 28 tetor deri 02 nëntor 2022 (3 faza 48-orëshe; 28-29; 30-31 dhe 01-02), të gjithë aplikantët që kanë kryer procesin e aplikimit në raundin e tretë dhe janë shpallur fitues, kryejnë procesin e regjistrimit pranë IAL, duke paraqitur dokumentacionin në sekretariatë mësimore, në programin e studimit ku dëshirojnë të vazhdojnë studimet.
G. Procesi i regjistrimit Raundi i tretë, pika 7	Pas përfundimit të 3 (tri) fazave 48-orëshe të regjistrimit, në datat 03 nëntor deri në 06 nëntor 2022 , IAL vijojnë me procedurat e regjistrimit të kandidatëve, nëpërmjet portalit U-Albania, në programet e studimit në të cilat kanë aplikuar në raundin e tretë. Të drejtën e regjistrimit e kanë kandidatët që nuk rezultojnë të regjistruar në një program tjetër studimi dhe kanë aplikuar në raundin e tretë. IAL, gjatë regjistrimeve, respektojnë renditjen e kandidatëve deri në plotësimin e kuotave.
G. Procesi i regjistrimit Raundi i tretë, pika 7/1	Pas përfundimit të raundit të tretë, kandidatët që janë pjesë e portalit U-albania dhe rezultojnë të paregjistruar në asnjë program studimi, kanë të drejtën e regjistrimit në programe studimi, ku ka kuota të paplotësuara në të gjitha IAL, pavarësisht aplikimeve në raundet e mëparshme, në periudhën 07-08 nëntor 2022 .
G. Procesi i regjistrimit Raundi i tretë, pika 8	Brenda datës 16 nëntor 2022 , RASH përcjell në QSHA, në format elektronik dhe hard-copy, regjistrimet përfundimtare të tri raundeve .